

सम्यग्दर्शन-पूजा

दोहा -

सिद्ध अष्ट-गुणमय प्रगट, मुक्त-जीव-सोपान ।
ज्ञान चरित जिह बिन अफल, सम्यक् दर्श प्रधान ॥
ॐ ह्रीं अष्टांग सम्यग्दर्शन! अत्र अवतर अवतर संवौषट् ।
ॐ ह्रीं अष्टांग सम्यग्दर्शन! अत्र तिष्ठ तिष्ठ ठः ठः ।
ॐ ह्रीं अष्टांग सम्यग्दर्शन! अत्र मम सन्निहितो भव भव वषट् ।

सोरठा -

नीर सुगंध अपार, तृषा हरे मल छय करे ।
सम्यग्दर्शन सार, आठ अंग पूजों सदा ॥
ॐ ह्रीं अष्टांग सम्यग्दर्शनाय जलं निर्वपामीति स्वाहा ।1।
जल केशर घनसार, ताप हरे शीतल करे । सम्य0
ॐ ह्रीं अष्टांग सम्यग्दर्शनाय चन्दनं निर्वपामीति स्वाहा ।2।
अछत अनूप निहार, दारिद नाशे सुख भरे । सम्य0
ॐ ह्रीं अष्टांग सम्यग्दर्शनाय अक्षतान् निर्वपामीति स्वाहा ।3।
पुहुप सुवास उदार, खेद हरे मन शुचि करे । सम्य0
ॐ ह्रीं अष्टांग सम्यग्दर्शनाय पुष्पं निर्वपामीति स्वाहा ।3।
नेवज विविध प्रकार, छुधा हरे थिरता करे । सम्य0
ॐ ह्रीं अष्टांग सम्यग्दर्शनाय नैवेद्यं निर्वपामीति स्वाहा ।5।
दीप-ज्योति तमहार, घट पट परकाशे महा । सम्य0
ॐ ह्रीं अष्टांग सम्यग्दर्शनाय दीपं निर्वपामीति स्वाहा ।6।
धूप घान-सुखकार, रोग विघन जड़ता हरे । सम्य0
ॐ ह्रीं अष्टांग सम्यग्दर्शनाय धूपं निर्वपामीति स्वाहा ।7।
श्रीफल आदि विथार, निहचे सुर-शिव-फल करै । सम्य0
ॐ ह्रीं अष्टांग सम्यग्दर्शनाय फलं निर्वपामीति स्वाहा ।8।
जल गंधाक्षत चारु, दीप धूप फल फूल चरु ।
सम्यग्दर्शन सार, आठ अंग पूजों सदा ॥
ॐ ह्रीं अष्टांग सम्यग्दर्शनाय अर्घ्यं निर्वपामीति स्वाहा ।9।

जयमाला

दोहा -

आप आप निहचै लखे, तत्त्व-प्रीति व्योहार ।

रहित दोष पच्चीस हैं, सहित अष्ट गुन सार ।1।

सम्यक् दर्शन-रत्न गहीजै, जिन-वच में संदेह न कीजै ।

इह भव विभव-चाह दुखदानी, पर-भव भोग चहे मत प्रानी ।2।

प्रानी गिलान न करि अशुचि लखि, धरम गुरु प्रभु परखिये ।

पर-दोष ढकिये, धरम डिंगते को सुथिर कर, हरखिये ।3।

चहुं संघ को वात्सल्य कीजै, धरमकी परभावना ।

गुन आठ सों गुन आठ लहिके, इहां फेर न आवना ।4।

ॐ ह्रीं अष्टांगसहित पंचविंशति दोषरहित सम्यग्दर्शनाय पूर्णाध्यनिर्व० ।

इत्याशीर्वादः (पुष्पांजलिं क्षिपेत्)

2